

საჯარო სამართლის იურიდიული პირი _
ბათუმის შოთა რუსთაველის სახელმწიფო უნივერსიტეტი

ბრძანება №01-02/ 58

ქ. ბათუმი

01 მარტი, 2022 წ.

„ბსუ-ს 2021-2022 სასწავლო წლის აკადემიური კალენდარის ცვლილების შესახებ“
ბსუ-ს რექტორის 2021 წლის 1 ოქტომბრის N01-02/167 ბრძანებაში ცვლილების
შეტანის შესახებ


„უმაღლესი განათლების შესახებ“ საქართველოს კანონის 22-ე მუხლის, ბსუ-ს
წესდების მე-13 მუხლის, „იზოლაციისა და კარანტინის წესების დამტკიცების
შესახებ“ საქართველოს მთავრობის 2020 წლის 23 მაისის №322 დადგენილების,
„სამუშაო ადგილებზე ახალი კორონავირუსის (COVID 19) გავრცელების თავიდან
აცილების მიზნით რეკომენდაციების დამტკიცების თაობაზე“ საქართველოს
ოკუპირებული ტერიტორიებიდან დევნილთა, შრომის, ჯანმრთელობისა და
სოციალური დაცვის მინისტრის 2020 წლის 29 მაისის N01-227/ო ბრძანების, „ბსუ-ში
ელექტრონული სწავლების ადმინისტრირების წესის დამტკიცების შესახებ“ ბსუ-ს
რექტორის 2021 წლის 22 ოქტომბრის N01-02/187 ბრძანების საფუძველზე

ვ ბ რ ძ ა ნ ე ბ:

1. „ბსუ-ს 2021-2022 სასწავლო წლის აკადემიური კალენდარის ცვლილების შესახებ“
ბსუ-ს რექტორის 2021 წლის 1 ოქტომბრის N01-02/167 ბრძანებაში შევიდეს
ცვლილება, კერძოდ, ბრძანების დანართი N1 (2021-2022 სასწავლო წლის
კალენდარი) ჩამოყალიბდეს ახალი, თანდართული რედაქციით (დანართი 1).
2. სასწავლო პროცესის დეპარტამენტმა უზრუნველყოს 2021-2022 სასწავლო წლის
აკადემიური კალენდრის (თანდართული უქმე დღეების ჩამონათვალით) ცხრილის
შედგენა და ბსუ-ს ვებგვერდზე განთავსებისათვის ბსუ-ს საინფორმაციო
ტექნოლოგიების სამსახურისათვის წარდგენა, ასევე ბსუ-ს პორტალზე განთავსება
და სტუდენტთა და პერსონალის ინფორმირება.
3. წინამდებარე ბრძანების აღსრულების კონტროლი განახორციელოს რექტორის
მოადგილემ და ხარისხის უზრუნველყოფის სამსახურის ხელმძღვანელმა.
4. წინამდებარე ბრძანება განთავსდეს ბსუ-ს ვებგვერდზე (ასევე ველში „აკადემიური
კალენდარი“) და სტუდენტური პორტალის მეშვეობით ეცნობოს ბსუ-ს
სტუდენტებს და პერსონალს.
5. ფაკულტეტებმა უზრუნველყონ წინამდებარე ბრძანების შესახებ შესაბამისი
ფაკულტეტის სტუდენტებისა და პერსონალის ინფორმირება.

6. ბრძანება გასაცნობად და აღსასრულებლად დაეგზავნოს ბსუ-ს მართვის ორგანოებს, რექტორის მოადგილეებს, ფაკულტეტებს, წინამდებარე ბრძანებით განსაზღვრულ „ელექტრონული სწავლების მართვის ჯგუფის წევრებს“, დამოუკიდებელ სამეცნიერო-კვლევით ერთეულებს და ყველა დამხმარე სტრუქტურულ ერთეულს.
7. ბრძანება ამოქმედდეს ხელმოწერისთანავე.
8. ბრძანება შეიძლება გასაჩივრდეს კანონმდებლობითი დადგენილი წესით, მისი გამოცემიდან ერთი თვის ვადაში ბათუმის საქალაქო სასამართლოში (ქ. ბათუმი, ს. ზუბალაშვილის ქ. N30).

რექტორი, პროფესორი

 მერაბ ხალვაში

ბსუ-ს 2021-2022 სასწავლო წლის აკადემიური კალენდარი
(გარდა ბსუ-ს ინგლისურენოვანი პროგრამისა)

1. ბსუ-ს სასწავლო პროცესი 2021-2022 სასწავლო წელს წარიმართოს (აკადემიური კალენდარი განისაზღვროს) შემდეგ ვადებში:

ა) 2021-2022 სასწავლო წლის შემოდგომის სემესტრის სასწავლო პროცესი (ლექციები / ჯგუფში მუშაობა / სემინარები / ლაბორატორიული სამუშაო) საბაკალავრო, საბაკალავრო-სამაგისტრო, ერთსაფეხურიან, სამაგისტრო და სადოქტორო საგანმანათლებლო პროგრამებზე (გარდა ინგლისურენოვანი საგანმანათლებლო პროგრამისა) დაიწყოს 2021 წლის 11 ოქტომბერს და დასრულდეს 2022 წლის 29 იანვარს;

ბ) 2021 - 2022 სასწავლო წლის შემოდგომის სემესტრში სტუდენტთა აკადემიურ რეგისტრაციაში ცვლილებების შეტანა დასრულდეს 2021 წლის 10 ოქტომბერს;

დ) საშობაო არდადეგები - 2021 წლის 31 დეკემბრიდან 2022 წლის 09 იანვრის ჩათვლით;

ე) შემოდგომის სემესტრის ძირითადი საგამოცდო სესია - 2022 წლის 31 იანვრიდან 20 თებერვლის ჩათვლით, ხოლო დამატებითი საგამოცდო სესია - 2022 წლის 21 თებერვლიდან 1 მარტის ჩათვლით;

ვ) გაზაფხულის სემესტრისათვის სტუდენტთა აკადემიურ რეგისტრაციაში ცვლილებების შეტანა - 2022 წლის 2 მარტი - 14 მარტი (სტუდენტურ პორტალზე განხორციელებული აკადემიური რეგისტრაციისას დაშვებული ტექნიკური ხარვეზების გასწორება - 2022 წლის 14-18 მარტი);

ზ) გაზაფხულის სემესტრის სასწავლო პროცესი (ლექციები/ჯგუფში მუშაობა/სემინარები/ლაბორატორიული სამუშაო) დაიწყოს 2022 წლის 21 მარტს და დასრულდეს 2022 წლის 2 ივლისს.

თ) გაზაფხულის სემესტრის ძირითადი საგამოცდო სესია ჩატარდეს 2022 წლის 4 ივლისიდან 23 ივლისის ჩათვლით, ხოლო დამატებითი საგამოცდო სესია - 2022 წლის 25 ივლისიდან 30 ივლისის ჩათვლით;

ი) კურსდამთავრებულთათვის კვალიფიკაციის მინიჭება განხორციელდეს 2022 წლის 9 აგვისტოს ჩათვლით.

2. 2021-2022 სასწავლო წლის გაზაფხულის სემესტრში ბსუ-ში სასწავლო პროცესი წარიმართოს შერეული (ჰიბრიდული) ფორმატით, შემდეგნაირად:

ა) უმაღლესი განათლების ყველა საფეხურზე (საბაკალავრო, ზოგადი განათლების მასწავლებლის მომზადების საბაკალავრო-სამაგისტრო პროგრამებზე, ერთსაფეხურიანი მაგისტრატურა, დოქტორანტურა) - ლექციები დისტანციურად (ეპიდემიოლოგიური მდგომარეობისა და მოქმედი რეგულაციების

გათვალისწინებით, ლექციების არადისტანციურ ფორმატში გადმოტანა განხორციელდება ეტაპობრივად), ხოლო საუნივერსიტეტო სივრცეში - ჯგუფში მუშაობა/ პრაქტიკული/ლაბორატორიული;

3. სასწავლო პროცესი (ლექციები/ჯგუფში მუშაობა/სემინარები/ ლაბორატორიული სამუშაო) ჩატარდეს ყოველ დღე, გარდა შაბათ-კვირისა (საჭიროების შემთხვევაში დასაშვებია ამ მიზნით შაბათის გამოყენება), ფაკულტეტზე შემუშავებული სასწავლო ცხრილების შესაბამისად. აკადემიური საათი განისაზღვრება 50 წუთით, ხოლო მეცადინეობათა შორის შუალედი/შესვენება - 10 წუთით. დისტანციური სწავლების პირობებში, აკადემიური საათის ხანგრძლივობა განისაზღვრება ბსუ-ს სასწავლო პროცესის მართვის ელექტრონულ სერვისების მეშვეობით მიწოდებული ინსტრუქციით (არანაკლებ 40 წთ-ით, სტუდენტთა საჭიროების შემთხვევაში დამატებითი ელექტრონული კომუნიკაციის პირობით).